

Nam quod verba hæc: *Accipiat sibi, ne simus in contemptum, quidam ita accipiunt, quasi excuset Judas se præstitisse datam fidem, mibi non probatur.* Alter illi sensus longe melius quadrat, quod mavult Judas annulum perdere, quam rem longius spargendo materiam præbere vulgi sermonibus: quia levior sit pecuniæ, quam credulus jaçtura. Aliud etiam ludibrium timendum fuit, quod tam fama fuerat. Sed præcipuum ex scortatione dedecus veritus est, ubi videmus homines, qui DE I Spiritu non reguntur, de mundi opinione magis, quam DE I judicio esse semper sollicitos. Cur enim, dum cum titillabat carnis libido, non venit hoc in mentem: Ecce, nunc fœtidus ero coram DEO & Angelis? Cur nunc saltem, postquam libido defervuit, non erubescit tacita peccati sui notitia? Sed securus est, modo à publica infamia sibi caveat. Docet tamen hic locus, quod jam prius admonui, communi hominum sensu damnatam fuisse scortationem, ne quis ex ignorantia excusationis prætextum quaereret. Hisce ferme gemina sunt, quæ ad d. cap. 38. Genes. vers. 23. commentatus est Cornel. à Lapide.

- 31 Ex hisce etiam turpitudine quæstus meretricii abunde patet; cum non melioris conditionis esse queat quæstus iste, quam cujus conditionis est causa, pro qua datur & accipitur. Quapropter uti lucra ex furtis, ex latrociniis redacta turpia sunt: sic eadem turpitudine laborat quæstus meretricius; quia pro opere turpi nihil honeste vel dari, vel accipi potest, *Medin. tom. 2. tit. de reb. restituend. quest. 19. & seqq. allegatus ab Azor. pag. 3. Institut. moral. lib. 4. cap. 21. pag. 290.*
- 32 Qui cum moralibus Pontificiis ferme omnibus contrarium tenet, & quæstum istum non pro pretio peccati habent, sed pro mercede ex locatione actus delectabilis descendente. Sed illi revera nihil aliud agunt, quam ut leges tam divinas, quam humanas cavillentur, Deoque pariter ac hominibus
- 33 nefarie illudant præstigiatores nequissimi. Ille enim actus delectabilis uti in se & natura sua malus est, & in voluptate corporis consistit; ita nec honesta ejus locatio esse, nec pretio sive mercede æstimari potest: quia nullus contractus circa res inhonestas occupatur,